



ČENGIĆ

HRABRO SLUŽIMO

STAROM GRADU

SADRŽAJ

1.	Pokazali smo hrabrost i da znamo upravljati procesima	5
2.	Ne smijemo dozvoliti novu nestabilnost	7
3.	Spremni strateški projekti do 2027.	9
HRABRO SLUŽIMO STAROM GRADU		11
CILJ 1. Unaprijediti konkurentnost privrede i povećati zaposlenost		11
CILJ 2. Kreirati prosperitetan i inkluzivan društveni razvoj		14
CILJ 3. Odgovorno upravljati infrastrukturom, prostorom i okolišem		18
OBEĆANO-ISPUNJENO U 10 MJESECI		21

PREDGOVOR

Poštovani građani i građanke Općine Stari Grad,

Zahvalan sam što ste mi dali povjerenje da služim kao Vaš načelnik. Ubjedljiva pobjeda na prošlim izborima je za mene bila velika obaveza da ispunim Vaša očekivanja.

Iako smo imali samo 10 mjeseci i dočekao nas je potpuni haos, kriminal i korupcija, te smo trpili svakodnevne pritiske od raznih interesnih skupina, vjerujem da smo uspjeli opravdati vaše povjerenje.

Ispunili smo sva obećanja za prvih 100 dana mandata, pokrenuli ali i realizovali smo mnoge milionske projekte u Starom Gradu.

Sve ovo ne bi bilo moguće bez jasne vizije i bez podrške Vlade Kantona Sarajevo, Vlade Federacije Bosne i Hercegovine i Grada Sarajeva, jer je budžet Općine ostavljen u potpunom haosu, a na naplatu su došli krediti i brojne presude za koje je odgovorna prethodna administracija.

Uz sve izazove pokazali smo da znamo voditi procese i da imamo hrabrosti voditi procese, borbu protiv kriminala i korupcije.

Usvojili smo Strategiju razvoja Općine Stari Grad Sarajevo do 2027. godine kojom smo zacrtali strateške ciljeve, prioritete i konkretne projekte u vrijednosti preko 60 miliona KM.

Mnoga pitanja i izazovi su ispred nas. Od toga kako unaprijediti infrastrukturu u skladu sa potrebama građana općine, kako poboljšati zadovoljavanje socijalnih potreba i povećati socijalnu inkluziju, kako očuvati okoliš i raspoložive resurse koristiti na ekonomski efikasan i održiv način, do toga kako na adekvatan način zadovoljiti potrebe mladih i starije populacije na području naše općine.

Brojni su izazovi pred nama, a ja vjerujem da samo predanim radom, upornošću i strateškim pristupom možemo unaprijediti našu općinu i osigurati bolje uslove za sve.

Na osnovu svega do sada rečenog i urađenog želim istaknuti da se moj izborni program temelji na HRABROSTI, KONTINUITETU I STRATEŠKIM PROJEKTIMA, jer:

Pokazali smo hrabrost i da znamo upravljati procesima

Ne smijemo dozvoliti novu nestabilnost

Imamo spremne strateške projekte do 2027. godine



S poštovanjem,

Irfan Čengić

Načelnik općine Stari Grad Sarajevo



**“Hrabro služimo
Starom Gradu“**

Prvi dio mog izbornog programa fokusiran je na nastavak hrabrog upravljanja procesima u našoj općini. U kratkom periodu od izbora za načelnika Starog Grada, pokazao sam da savjesno i hrabro znam upravljati svim procesima u našoj općini. Moja hrabrost proizilazi iz iskrene želje da razvijamo Stari Grad, te da radimo u interesu građana i zaštite imovine naše Općine.

Hrabro upravljanje procesima podrazumijeva sposobnost da se prepoznaju potrebe građana i da se djeluje u skladu s njima, unatoč izazovima i ograničenjima s kojima se suočavamo. Hrabrost podrazumijeva i odlučnost u provedbi promjena za opću dobrobit naše zajednice.

U cilju upravljanja svim procesima moramo nastaviti raditi i na saradnji s drugim institucijama i organizacijama, a što podrazumijeva i uspostavljanje i njegovanje partnerstva s nevladinim organizacijama, privatnim sektorom, obrazovnim ustanovama, te susjednim lokalnim zajednicama.

Moj izborni program usmjeren je na hrabar pristup svim aktivnostima u Općini u cilju da se vrati povjerenje građana u transparentan rad Općine. Važan aspekt je i uključivanje građana u proces donošenja odluka. Transparentnost i participacija su ključne vrijednosti u savremenom upravljanju lokalnim zajednicama.



Kao čvrst temelj za budući rad, mogu istaknuti i to da je nakon više od deceniju usvojen novi Statut Općine Stari Grad Sarajevo usklađen sa relevantnim zakonskim i podzakonskim aktima, sistematizacija i novi Budžet, a koji prate potrebe lokalne zajednice.

Poseban doprinos transparentnoj implementaciji svih važnih aktivnosti bio je hrabar potez osnivanja Javnog komunalnog preduzeća Općine Stari Grad gdje smo pokazali da želimo i znamo bolje upravljati procesima u našoj općini.

Sve to zahtjeva odlučnost u provođenju promjena, a što znači da moramo biti spremni suočiti se s preprekama i donositi teške odluke koje mogu imati dugoročne koristi, čak i ako izazivaju privremene kontroverze ili otpor.

Kroz sve dosadašnje aktivnosti nastojao sam isticati transparentnost, odgovornost i novi odnos prema ljudima. U budućem periodu boriti ćemo se još snažnije protiv svih oblika korupcije i osigurati da javna sredstva budu iskorištena na najbolji mogući način.



Naslijedili smo kaos, kriminal i korupciju. Takvi procesi su zaustavili razvoj Starog Grada na skoro godinu dana. Ne smijemo dozvoliti novu nestabilnost i promjenu na čelu općine. Četvrti načelnik u 2 godine bi donio novu nestabilnost i potres u radu organa uprave. Važno je da nastavimo procese stabilizacije stanja u Općini Stari Grad Sarajevo

Fokus svog rada stavljam na nastavak izgradnje kvalitetnog odnosa između općinske uprave i građana. Vjerujući u rezultate koji proizlaze iz kontinuiteta u kvalitetnoj upravi, smatram da su i vijećnici i vijećnice važna karika koja sistemskim pristupom isprati sve procese u lokalnoj zajednici.

Izborni program koji vam predstavljam, podrazumijeva i kontinuiran i kvalitetan rad sa aktivnim vijećnicima i vijećnicama u općini Stari Grad koji postižu zapažene rezultate kada je u pitanju implemenatacija mnogih aktivnosti na prostoru cijele općine.

Kako bi održali kontinuitet u našem radu, važno je da osiguramo većinu u Općinskom vijeću jer samo na taj način je moguće da se svi pokrenuti procesi uspješno finaliziraju kao i da se na jednostavniji način radi na novim postavljenim prioritetima, a što ima za cilj kvalitetniji život za sve stanovnike na području Općine.

Fokus rada su snažnija privreda, te društveni i okolinski razvoj Općine, a da bi se kvalitetno radilo na tim ciljevima, važno je da se zadrži kontinuitet u izboru prvog čovjeka Općine i da se osigura podrška za rad.

Kontinuitet u upravljanju u svakoj lokalnoj zajednici, pa i u našoj, može biti ključ za dugoročni prosperitet jer se na taj način stvara stabilno okruženje za rast, očuvanje identiteta i efikasno rješavanje izazova s kojima se zajednica suočava.

Kontinuitet u upravljanju omogućava lokalnim vlastima i načelniku da dugoročno rješavaju probleme poput infrastrukturnih nedostataka, socijalnih izazova ili ekoloških pitanja. Redovni dijalog između građana i općine također se može olakšati kontinuiranim pristupom.

Pored ovoga, treba istaknuti i to da kontinuitet može pomoći u očuvanju kulturnog identiteta i tradicije našeg Starog Grada. Pod tim prije svega se misli na nastavak podrške kulturnim, obrazovnim i sportskim institucijama što održava zajedničke vrijednosti i pomaže u izgradnji jakih lokalnih veza.

Rezultati u kratkom prethodnom vremenu, kao i dosadašnje iskustvo dosta govore u prilog da predanim radom, važne promjene su došle u našu općinu.

Važno je istaknuti da se ne smije dozvoliti nova nestabilnost koja dugoročno ostavlja posljedice na efikasno upravljanje lokalnom zajednicom. Kontinuitet u aktivnom i kvalitetnom radu načelnika, garantuje sistematičan pristup u realizaciji Strategije razvoja općine Stari Grad.



Važan dio izbornog programa jesu spremni strateški projekti.

Jedna od najvažnijih odluka, koje je podržalo Općinsko vijeće jeste i usvajanje dokumenta Strategija Općine Stari Grad 2024-202, sa jasnim ciljevima i projektima koji su vodič privrednog, društvenog i okolinskog razvoja do 2027. godine.

Općina Stari Grad je dugi niz godina bila bez ovog veoma važnog dokumenta koji omogućava koordinaciju aktivnosti i resursa različitih sektora i organa uprave unutar općine. Iz tog razloga ovaj dokument sam učinio svojim prioritetom od same izrade do kranje implementacije.

Našim zajedničkim zalaganjem, naša Općina Stari Grad Sarajevo će kroz provedbu planiranih projekata i implementaciju Strategije unaprijediti konkurentnost, jačati lokalnu privredu i turizam te time znatno podići standard i kvalitetu života naših stanovnika. Paralelno s tim, razvit ćemo infrastrukturu uz strogo poštivanje načela očuvanja okoliša.

HRABRO pristupamo svim aktivnostima kako bi radili na omogućavanju sigurnog poslovnog ambijenta u Općini Stari Grad Sarajevo a što predstavlja i jedan je od najvećih izazova sa kojim se Općina mora suočiti kako bi se poboljšao životni standard građana.

Ozbiljno shvatajući posao načelnika, nastojao sam izgraditi što kvalitetniji pristup ka rješavanju svih obaveza i izaziva koje ta pozicija nosi. Iz tog razloga, moj pristup daljnjem radu će podrazumijevati važne i sistemske promjene u našoj općini.

Te promjene će se prije svega odnositi na usmjerenu i sistemsku podršku preduzetničkim inicijativama, postojećim privrednim i pravnim subjektima na području općine, poljoprivredi i turizmu, čime će se direktno uticati na efikasniji ekonomski razvoj općine kroz smanjenje nezaposlenosti, te na pokretanje obrta, mikro, malih i srednjih preduzeća.

Moj fokus kao načelnika, će biti podrška najvažnijim privrednim djelatnostima na području općine kao i iznalaženje olakšica i podrška registraciji novih poljoprivrednih proizvođača i biznisa.

Kroz svoj rad nastaviti ću posvećivati pažnju razvoju obrazovanja jer se na taj način daje podrška i kreiranju intelektualnog potencijala i kapitala koji kroz djelovanje može doprinijeti privrednom razvoju određenog područja. Također

aktivno planiram izgradnju dodatnih kapaciteta u oblasti kulture te uvođenje novih kulturnih sadržaja.

Podržavam razvoj sportske infrastrukture, a sagledavajući racionalno potrebe i prostorni raspored terena na području općine postoji potreba za izgradnjom i rekonstrukcijom sportskih igrališta i dječijih igrališta u naseljima u kojima nisu izgrađena ili su dotrajala. Pored toga, nastavit ću i finasijsku podršku takmičarskom sportu i podršku udruženjima koja organizuju amaterska takmičenja.

U periodu koji je pred nama, fokusirati ću se i na izgradnju, održavanje i sanacija putne infrastrukture kao i rješavanje problema saobraćaja u mirovanju.

Kao načelnik općine, raditi ću i na uređenju i čišćenju odvodnih kanala i rekonstrukciji zastarjele vodovodne mreže te na razvoju nove vodovodne i kanalizacione mreže.

Za kvalitetnije uslove života građana u našoj općini, intenzivirati ću aktivnosti za unapređenje održavanja postojećih javnih i zelenih površina.



HRABRO SLUŽIMO STAROM GRADU

Vodeći se usvojenim dokumentom Strategije razvoja Općine Stari Grad Sarajevo 2024.– 2027., u svom budućem radu posvetiću se implementaciji tri strateška cilja i mjerama koje doprinose njihovoj provedbi.



CILJ 1

UNAPRIJEDITI KONKURENTNOST PRIVREDE I POVEĆATI ZAPOSLENOST



UREĐENJE ADMINISTRATIVNIH PROCEDURA I PROMOCIJA LOKALNE PRIVREDE

Za upješan razvoj lokalne privrede koja će biti na usluzi svim građanima i građankama potrebno je kreirati moderan, efikasan i inkluzivan okvir unutar kojeg će funkcionisati administracija. Efikasnija administracija unutar Općine Stari Grad Sarajevo, rezultirati će kvalitetnijom saradnjom sa preduzetnicima. Cilj mi je da kao budući načelnik, u narednom periodu radim na poboljšanju postojećih administrativnih procedura i organizacije, kroz usvajanje modernih normi poput BFC – SEE (business friendly certifikat), razvoja projekta „Government to Business“ i digitalizacije procesa koji će ubrzati i poboljšati odnos između privrednika i Općine. U ove aktivnosti potrebno je uključiti što veći broj poslovnih subjekata i raditi na njenoj promociji.



RAZVOJ PODUZETNIČKE INFRASTRUKTURE

Pored rada na digitalizaciji i modernizaciji općinske administracije sa ciljem da se olakšaju administrativne procedure i omogućiti bolji pristup, veoma je važno da se uporedo radi i na razvoju infrastrukture izvan općinske administracije i podrže preduzetnici. Inovativne pristupe i ekonomsku konkurentnost najbolje će procijeniti i prilagoditi privrednici sami sebi. Fokus mog rada je i to da Općina Stari Grad Sarajevo obezbijedi adekvatnu infrastrukturu za preduzetnike kako bi unaprijedili svoje poslovanje. Sa tim na umu svoju podršku ću dati kreiranju kreativnog HUB-a na području općine kao i na osiguravanju godišnjih novčanih izdavanja iz općine za razvoj poduzetničke infrastrukture.



ODGOVORNO UPRAVLJANJE IMOVINOM I PROSTORNIM RESURSIMA

U svom radu pobrinuću se da Općina odgovorno, transparentno i efikasno upravlja imovinom i prostornim resursima. To će za rezultat imati bolju komunikaciju i ponudu za poduzetnike i investitore, te kvalitetniji i transparentniji odnos sa građanima i građankama. U narednom periodu Općina Stari Grad Sarajevo radit će na formiranju registra gradskog neizgrađenog građevinskog i drugog zemljišta, kao i stambenih jedinica na kojima Općina ima pravo vlasništva ili pravo raspolaganja, te će raditi na nadograđivanju postojećeg registra poslovnih prostora kojima općina raspolaže. Ovim će se aktivirati neiskorišteni poslovni prostori i povećati prihod u Budžetu Općine Stari Grad Sarajevo po osnovu zakupa poslovnih prostora i stambenih jedinica.



MODERNIZACIJA, DIGITALIZACIJA I INOVACIJE

Kao načelnik, zalagati ću se i raditi na tehnološkoj modernizaciji poslovnih subjekata. Cilj mog rada je u cijelosti podržavati sve važne aspekte modernizacije, digitalizacije, inovacije i razvoja postojećih i novih privrednih subjekata, te podržati digitalna rješenja za promociju poslovanja uz sufinansiranje procesa certificiranja poslovnih djelatnosti i proizvoda privrednih subjekata.



RAZVOJ POLJOPRIVREDE

Svjestan da su zdravlje i kvalitet života direktno vezani i za kvalitetnu i pravilnu ishranu, resurse Općine ću usmjeriti i na investicije u domaću proizvodnju jer sam svjestan da domaća proizvodnja, bilo za komercijalnu prodaju ili proizvodnja za samostalnu upotrebu, traže pomoć i ulaganje od lokalne zajednice. Veoma je važno da se podrže domaći proizvođači i ohrabri organski uzgoj poljoprivrednih proizvoda proizvedenih lokalno. U narednom periodu planiramo aktivno podržavati razvoj poljoprivrede kroz povećanje novčanih podsticaja u poljoprivrednoj proizvodnji; pružati podršku i učestvovati na sajmovima poljoprivrednih proizvođača, omogućiti bolji poslovni ambijent za plasman proizvoda lokalnih poljoprivrednika kroz uspostavljanje objekta za plasman domaćih zdravih proizvoda. Cilj nam je da se poveća broj lokalnih poljoprivrednih proizvođača i omogućiti kvalitetan plasman proizvoda za građane i građanke.



MLADI KAO PODUZETNICI

Inovacije su osnov ekonomskog napretka i privrednog rasta u svakom društvu. To je posebno izraženo u lokalnim zajednicama. Nosioci inovacija su načešće mladi talentovani poduzetnici koji stižu i donose nova iskustva i ideje. Svjesni smo da je potrebno pružiti podršku mladim osobama koje se pronalaze u preduzetništvu kroz sufinansiranje Start up biznisa i aktivnu promociju politika za samozapošljavanje. Cilj nam je da se smanji broj mladih nezaposlenih na evidenciji za zapošljavanje i pospješe inovacije i razvoj. Sa druge strane, vodit ćemo računa da kroz svoje programe podrške tržištu rada doprinesemo i većim mogućnostima za zapošljavanje dugoročno nezaposlenih osoba, osoba sa poteškoćama u razvoju i osoba sa otežanim pristupom tržištu rada.



TURIZAM I TURISTIČKA INFRASTRUKTURA

Općina Stari Grad je centralna turistička destinacija za sve turiste koji posjećuju Grad Sarajevo. Ova privredna grana je direktno povezana sa drugim privrednim granama poput ugostiteljstva, hotelijerstva, tradicionalnim zanatskim radnjama, trgovačkim radnjama i sl. Veoma je važno da se obogati turistička ponuda i da lokalne vlasti prepoznaju potencijale koji su im na raspolaganju. U cilju razvoja infrastrukture i turističke ponude općine, podržat će projekte poput:

- Izgradnja i uređenje izletišta i turističke infrastrukture pogodne za razvoj outdoor turizma (avanturistički parkovi, zip-line, trim staze, biciklističke staze);
- Revitalizacija bazena na Bentbaši;
- Sanacija objekta Observatorija-Zvezdarnica i objekta Tvrdave Bistrik;
- Uređenje Darive, sa uspostavljanjem sportsko-rekreacione zone, sa ugostiteljskim sadržajima, uz uvažavanje ograničenja vezanih za zaštićenja područja;
- Podržati organizovanje koncerata, festivala i događaja na otvorenom.



RAZVOJ TURISTIČKOG AMBIJENTA I LJUDSKIH KAPACITETA

Jedna od velikih privrednih grana u Općini Stari Grad su preduzetnici i mala preduzeća. Od tih preduzeća veliki je i broj starih tradicionalnih zanimanja koja su oblikovala Bašćaršiju i Grad Sarajevo danas. Ova privredna grana je također i turistička atrakcija koja direktno doprinosi blagostanju svih građana i građanki. U narednom periodu raditi će se na podršci u popunjavanju i razvoju ljudskih kapaciteta u deficitarnim zanimanjima, te očuvanju starih zanata i obrta.



CILJ 2

KREIRATI PROSPERITETAN I INKLUZIVAN DRUŠTVENI RAZVOJ



ADEKVATNA SPORTSKO-REKREATIVNA INFRASTRUKTURA

Sport kao rekreativna aktivnost ima važnu ulogu u razvoju djece ali i kvalitetnom slobodnom vremenu koje mogu provesti svi građani i građanke u Općini Stari Grad. Sa tim na umu veoma je važno da je dostupna adekvatna sportsko-rekreativna infrastruktura. U svom radu u Općini Stari Grad Sarajevo podržaću izgradnju prvog fudbalskog stadiona, izgradnju većeg broja dječijih igrališta, sportskih igrališta kao i izgradnju košarkaške dvorane na Bistriku. Planiramo i uređenje prostora Kasarne Mustafa Hajrulahović Talijan, uz uspostavljanje sportskih terena, šetnica, teretane na otvoreno, kao i izgradnja sportskog terena na Pašinom brdu i uređenje strelišta, kako bi se na taj način dobili jedinstveni sportsko - rekreativni kompleks. Cilj nam je da ponudimo široku lepezu sportsko -rekreativne infrastrukture za korištenje građanima i građankama kao i sportskim udruženjima i klubovima.



TAKMIČARSKI I REKREATIVNI SPORTOVI

Pored razvoja infrastrukture veoma je važno da se ulaže u razvoj ljudskih potencijala, talenata ali i promociju sporta kao zdravog načina života. Potrebno je pružiti podršku razvoju i promociji sporta, sportskih i takmičarski klubovi kroz dodjelu grant sredstava, sufinansiranje stipendija za vrhunske sportske rezultate i sufinansiranje sportskih projekata. Također, kao općinski načelnik raditi ću na organizovanju i promociji dodatnih općinskih takmičenja i

klubova poput Lige osnovnih škola za nogomet, odbojku, šah i druge sportove. Cilj je da se pruži adekvatna institucionalna podrška za razvoj sporta i sportskih klubova.



RAZVOJ KULTURE

Osnov zdravog društva je njegov odnos prema kulturi. Općina Stari Grad Sarajevo je čuvar tradicije i kulture. Posebnu pažnju ću posvetiti održavanju, razvoju i unapređenju kulturnih sadržaja koji su od važnosti za sve građane i građanke. Intenzivno ću raditi na uspostavi i uređenju kulturno-historijskih objekata, organizaciji većeg broja kulturnih manifestacija, podršci kulturno-umjetničkim društvima i udruženjima te osigurati inkluziju kroz kulturu i sport. Posebno izdvajam slijedeće projekte:

- Uspostavljanje Muzeja Armije Republike Bosne i Hercegovine u okviru postojećih objekata kasarne Mustafa Hajrulahović – Talijan
- Uređenje prostora Isa-begove zavije
- Rekonstrukcija poslovnog prostora Općine Stari Grad Sarajevo u svrhu uspostave Galerije Berber
- Podrška radu Umjetničke galerije BiH
- Podrška radu Muzeja Sarajeva



PODRŠKA INKLUZIJU U DRUŠTVU

Vjerujući čvrsto da društvo treba doprinijeti boljoj socijalnoj inkluziji osoba sa poteškoćama u razvoju, podržati ću programe koji podržavaju integraciju osoba sa poteškoćama u razvoju u svim segmentima društva. Također, raditi ću na programu rješavanja prevoza djece sa invaliditetom i već smo utvrdili nacrt Pravilnika o subvencioniranju troškova prevoza djece predškolskog uzrasta, učenika osnovnih/srednjih škola sa invaliditetom i polaznicima radionica. Planiram nastaviti podržati rad JU Zavoda za specijalno obrazovanje i odgoj djece Mjedenica kroz dodjelu grant sredstava.



BOLJI MATERIJALNI USLOVI ZA OBRAZOVNE USTANOVE

Za kvalitetan razvoj i obrazovanje djece potrebno je obezbijediti uslovne i sigurne ustanove u kojima će nastavno osoblje moći raditi. Također, veoma je važno raditi na razvoju inkluzivnije infrastrukture koja će omogućiti jednak pristup bez poteškoća svim roditeljima, učenicima i učenicama ustanovama u kojima pohađaju nastavu. To će uključivati obnove i rekonstrukcije ustanova, školskih dvorišta, fiskulturnih sala, sportskih igrališta, izgradnja liftova i platformi za osobe sa invaliditetom, te rad na energetskej efikasnosti objekata u kojima borave djeca.



PODRŠKA ZA PRODUŽENI BORAVAK U OSNOVNIM ŠKOLAMA

Produženi boravci su postali neizostavni dio vannastavnih aktivnosti za mnoge porodice. Za porodice u kojima su zaposlena oba roditelja briga o najmlađima poslije nastavnih aktivnosti je veliki izazov. Raspoloživi podaci ukazuju da su potrebe roditelja za smještaj djece puno veće od trenutnih kapaciteta zbog čega porodice traže alternativno rješenje za djecu u drugim općinama. Podrškom povećanju kapaciteta za cjelodnevni boravak učenika želimo osigurati sigurno i zdravo okruženje za djecu i njihove roditelje u njihovim svakodnevnim aktivnostima i da produženi boravak više ne bude razlog napuštanja općine.



UKLJUČIVANJE MLADIH U DRUŠTVENE PROCESSE

Razvoj mladih i njihov angažman u zajednici su direktno povezani sa razvojem lokalnih zajednica. Kao načelnik ću raditi na izradi Strategije za mlade za period 2024 – 2027 godina, podržati rad omladinskih udruženja općine Stari Grad Sarajevo, te pružiti podršku mladima kroz Fond za mobilnost mladih. Cilj je da se omogući kvalitetnija platforma za rad sa mladima koji bi se direktno uključili u procese koji se planiraju i implementiraju u Općini Stari Grad Sarajevo.



PODRŠKA MLADIM PORODICAMA

Ostanak mladih u Općini Stari Grad će biti jedan od naših interesa u narednom periodu. Za razvoj jedne općine potrebni su kvalitetni i mladi ljudi koji će svojim radom i talentom doprinijeti razvoju svoje lokalne zajednice. Veoma je važno da ohrabrimo i potpomognemo mlade da osnivaju porodice i ostanu u svojoj lokalnoj zajednici. Svoju podršku kao načelnik iskazaću kroz programe dodjele grant sredstava za vantjelesnu oplodnju i grantovima za porođilje iz Općine Stari Grad Sarajevo.



UNAPREĐENJE ZDRAVIH STILOVA ŽIVOTA

Potrebno je raditi na unapređenju zdravih stilova života svih društvenih kategorija, a samim tim i na prevenciji koja je ključna kada je u pitanju zdravlje. Svjestan ove činjenice aktivno ćemo podržati programe koji promovišu i doprinose unapređenju prevencije bolesti, zdravih životnih stilova građana i građanki, promocija pravilne ishrane, rekreativne i sportske programe i druge aktivnosti.



UNAPREĐENJE POLOŽAJA OSOBA TREĆE ŽIVOTNE DOBI

Veliku pažnju posvetiću našoj najzastupljenijoj kategoriji stanovništva u opštini, našim sugrađanima treće životne dobi. Svjesni da njihova primanja nisu dovoljna kako bi ostvarili minimalne životne potrebe, kontinuirano ćemo izdvajati značajnija finansijska sredstva kao vid podrške za troškove liječenja i jednokratne novčane pomoći. Moje opredjeljenje je i da doprinesemo podizanju kvaliteta života kroz podršku radu centra za zdravo starenje ali i drugih programa i aktivnosti kojima se unapređuje polžaj osoba treće životne dobi.



KVALITETNIJA SOCIJALNA ZAŠTITA I SOCIJALNI PROGRAMI

Poseban interes u mom radu i radu Općine Stari Grad u narednom periodu će biti briga za socijalno ugrožene kategorije građana i građanki. Konkretno to uključuje socijalnu pomoć za liječenje građana, jednokratna socijalna pomoć stanovništvu, stipendije učenicima i studentima boračke populacije, stipendije učenicima i studentima bez oba roditelja, odnosno bez roditeljskog staranja, programi obnove stambenih jedinica socijalno ugroženim kategorijama stanovništva i programi obroka za sve koji su u stanju socijalne potrebe.

Također, kroz programe sufinansiranja školarina, ekskurzija i užina za djecu i porodice koje se nalaze u stanju socijalne potrebe, želimo dati svoj doprinos i na ovaj način u oblasti obrazovanja.



CILJ 3

ODGOVORNO UPRAVLJATI INFRASTRUKTUROM, PROSTOROM I OKOLIŠEM



VODOVODNA I KANALIZACIONA MREŽA

Stanje vodovodne i kanalizacione mreže je veliki izazov u Općini Stari Grad Sarajevo, zbog starosti iste, ali i činjenice da je riječ o pitanju u nadležnosti viših nivoa vlasti. Međutim, u narednom periodu ćemo nastaviti sa ulaganjima i projektima kojima ćemo obuhvatiti izgradnju, rekonstrukciju i sanaciju kanalizacione i vodovodne mreže, te uspostavljanju kvalitetnijeg sistema upravljanja oborinskim vodama.



BOLJA JAVNA RASVJETA

U narednom periodu, radit ćemo na projektima izgradnje nove, ali i rekonstrukciji postojeće rasvjete, uz unapređenje saradnje sa višim nivoima vlasti u čijoj je nadležnosti ovo pitanje u svrhu ažurnijeg rada na terenu od strane istih, a kako mi imali bolju javnu rasvjetu u našoj općini.



ENERGETSKI EFIKASNA OPĆINA

Poseban fokus moga rada u narednom periodu će biti upravo u oblasti energetske efikasnosti. Na taj način direktno ćemo doprinijeti očuvanju okoliša i kvalitetu zraka, koji je veliki problem za Sarajevo. Smatram da je potrebno da se u narednom periodu intenzivnije radi na izgradnji kapaciteta za korištenje obnovljivih izvora energije, upotreba novih sistema za zagrijavanje

objekata i sanacije fasada u svrhu poboljšanja energetske efikasnosti individualnih objekata i zgrada. U završnoj je fazi izgradnja fotonaponske elektrane na administrativnom objektu Općine Stari Grad Sarajevo, a plan je da omogućimo i različite programe subvencioniranja postavljanja solarnih panela i na individualne objekte stanovanja.



KVALITETNIJA SAOBRAĆAJNA I PJEŠAČKA INFRASTRUKTURA

Pored kvalitetnog razvoja infrastrukture koja treba odgovoriti povećanom prometu saobraćaja i pješaka veoma je važno da se postojeća infrastruktura ne zapostavlja. Odgovornim upravljanjem pristupiti će se unapređenju i održavanju postojećih saobraćajnica, trotoara, stepeništa i ulica kojima je potrebna hitna sanacija.



SAOBRAĆAJ U MIROVANJU I SIGURNOST U SAOBRAĆAJU

Jedan od gorućih problema u Kantonu Sarajevo i Općini Stari Grad je nedostatak parking mjesta. Ogroman protok automobila kroz strogu jezgru Starog Grada predstavlja veliki izazov za njegovim kvalitetnim upravljanjem. Potrebno je sistemski i aktivno uključiti se u proces obezbjeđenja odgovarajućeg broja parking mjesta uključujući i realizaciju izgradnje podzemne garaže na Trgu Austije, te razvoju sistema upravljanja parkinзима kroz javno preduzeće.



PARKOVI I JAVNE ZELENE POVRŠINE

Zelene površine i parkovi imaju važnu ulogu u održavanju ugodnog i estetski uređenog javnog prostora. Općina Stari Grad na svojoj teritoriji ima nekoliko zaštićenih područja, izletišta i javnih parkova. Kako bi unaprijedili kvalitet građana potrebno je raditi na boljem upravljanju javnim zelenim površinama i njenom uređenju. Ovim se doprinosi kvalitetnijem javnom zdravlju i boljim mogućnostima za rekreativni boravak seniora, mladih i djece.



ODGOVORNO UPRAVLJANJE OTPADOM

Efikasno sakupljanje i odlaganje otpada na području općine Stari Grad je svakodnevna aktivnost. Veoma je važno da se proces odvija neometano, odgovorno, efikasno i uz saradnju sa svim građanima i građankama u lokalnoj zajednici. Potrebno je poboljšati kapacitete i saradnju komunalnih preduzeća sa općinom. Ovim ćemo doprinijeti urednijim ulicama, boljoj javnoj higijeni i ljepšoj slici za turiste.



SANACIJA CESTA I KLIZIŠTA

Općina Stari Grad je čuvar sarajevske tradicije i njenih ulica. Padinski dijelovi grada zahtijevaju odgovarajuće kontinuirano održavanje. U svrhu unapređenja cestovne infrastrukture, zaštite osobne imovine i unapređenja životne okoline potrebno je raditi na saniranju ulica, klizišta, kao i raditi na očuvanju vodenih tokova.



RACIONALNO I ODGOVORNO UPRAVLJANJE PROSTOROM

Pravilno upravljanje i planiranje prostorom je osnov efikasnog ekonomskog razvoja i kvalitetnog života svih građana i građanki. Radit ćemo na izradi novih regulacionih planova za lokalitete na kojima važeći regulacioni planovi zbog vremenske razlike kada su usvojeni sada ne odgovaraju potrebama stanovništva, te ćemo inicirati usvajanje provedbeno - planske dokumentacije na lokalitetima na kojima ista nije usvojena Društveno odgovorno upravljanje i planiranje prostorom za prosperitetniji, kvalitetniji i ugodniji život građana i građanki općine Stari Grad.



ZAŠTITA OKOLIŠA

Da bi zaštitili okoliš i postojeće zelene površine u općini Stari Grad veoma je važno da su u taj proces uključeni svi građani i građanke. Posebno ćemo raditi na edukaciji djece i mladih o važnosti zaštite okoliša. Organizovat će se zajedničke akcije nastavnika, roditelja, djece i mladih sa ciljem povećanja svijesti građana i mladih.



„U svim svojim aktivnostima kroz navedena tri strateška cilja ću se zalagati za ostvarivanje rodne ravnopravnosti. Radit ću na unapređenju i promociji politika koje podržavaju ravnopravnu zastupljenost žena i muškaraca u svim sferama društva.“

OBEĆANO - ISPUNJENO

U 10 MJESECI

U prethodnom periodu imali ste priliku upoznati se sa mojim radom i rukovođenjem Općinom, ali i sa novom energijom koja je donijela transparentan pristup i zapažene promjene u našoj zajednici.

U prvih 100 dana i dalje, u veoma izazovnim i teškim trenucima za općinsku upravu, uspjeli smo pokazati odlučnost i posvećenost u ispunjenju predizbornih obećanja. **Ostali smo istrajni u provođenju svih mjera u Strategiji razvoja Općine, koja je usvojena u prvih 100 dana mandata, kao jedno od predizbornih obećanja, ali i izbornih obećanja prema građanima.**

Napominjemo da je sve ovo urađeno u funkciji načelnika Općine Stari Grad Sarajevo i vijećnika u Općinskom vijeću Stari Grad Sarajevo. Važno je istaći da su ovo javna sredstva, a ne sredstva Socijaldemokratske partije BiH ili bilo kojeg drugog pojedinca ili stranke. Ovaj dio programa predstavlja političko djelovanje izabranih dužnosnika.



U PRVIH 100 DANA ISPUNJENA SVA OBEĆANJA

Prvog februara 2024. godine Istinomjer je ocijenio da su ispunjena sva obećanja za prvih 100 dana mandata koja su data u izornoj noći.

„Mi ćemo u prvih 100 dana, dakle, realizovati ono što smo obećali – to su rebalans budžeta, budžet, Strategija razvoja Općine Stari Grad, gdje ćemo zacrtati sve te velike projekte, sistematizacija radnih mjesta, organizacija organa uprave, kako bi mogli krenuti u pripremu velikih projekata poput fudbalskog terena, sportsko-rekreacijske zone, podzemne garaže na Trgu Austrije i slično.“ 29.10.2023.

*“Ovim Istinomjer obećanje Irfana Čengića, da će u prvih 100 dana njegovog mandata biti usvojeni spomenuti dokumenti ocjenjuje ispunjenim.”
(Istinomjer.ba) 1.2.2024.*

Mandat načelnika je počeo 17.11.2023. godine.

Ključni dokument za dalji razvoj naše lokalne zajednice je usvojena Strategija razvoja Općine Stari Grad Sarajevo do 2027. godine koja je omogućila strateški razvoj i prisutup novim sredstvima.

ADMINISTRATIVNE AKTIVNOSTI



Na samom početku rada u Općini dočekali su nas brojni izazovi u administrativnom smislu, čijem rješavanju smo pristupili odmah, kako bismo stekli preduvjete za rad na velikim kapitalnim projektima. Jedan od prvih poteza, uvažavajući presudu Ustavnog suda je bilo usvajanje **Odluke o djelokrugu rada službi Općine Stari Grad Sarajevo, te na osnovu iste donošenje i Pravilnika o sistematizaciji i organizaciji radnih mjesta u Općini Stari Grad Sarajevo**, a na koji je Općinsko vijeće dalo saglasnost. Također, nakon

više od deceniju usvojen je novi Statut, kao najviši pravni akt Općine, koji je sada usklađen sa svim relevantnim zakonskim i podzakonskim aktima. U cilju uređenja administracije, transparentnog utroška sredstava, te efikasnijeg rada organa uprave, razmatrano je tokom mandatnog perioda više od **330 tačaka na sjednicama Općinskog vijeća. U cilju sprečavanja koruptivnih rizika, usvojen je Pravilnik o sukobu interesa i sprečavanju koruptivnog djelovanja državnih službenika i namještenika Općine Stari Grad Sarajevo.**

KOMUNALNA I CESTOVNA INFRASTRUKTURA - ULAŽE SE OKO 20 MILIONA KM

Uvažavajući značaj cestovne infrastrukture, te stanje u kojem se ista nalazi, usvojili smo Srednjoročni program održavanja, zaštite, rekonstrukcije i izgradnje lokalnih cesta u Starom Gradu, kao i godišnji program, te smo ugovorili, započeli i završili **projekte vezane za**



sanaciju cestovne infrastrukture u vrijednosti od 15.500.000 KM. Do sada smo sanirali ulice: Balibegovića čikma, Podžebhana, Tale ličanin do broja 12, Niže banje, Dženetića čikma, Ablagijin sokak, Širokača – Za beglukom, sanacija puta na cesti M5, Azize Šećerbegovića – Korija kroz saradnju JP Ceste Federacije Bosne i Hercegovine i Sarajevoputevi d.d. Također, **zaključeni su**

ugovori i uskoro počinju radovi na ulicama: Sedrenik – Barice (kao višemilionski projekat), Pod Hridom, Hadžijiska ravan, Bistrik, Maguda, Paje, Grlica, Basamaci, Karpuzova, **kao i sanacija stepeništa u ulicama** Brusulje, Krka, Tabijska ravan i Džeka. Posebno je bitno naglasiti **obnovu glavne gradske saobraćajnice** koja prolazi kroz Stari Grad.



Nismo zapostavili ni **vodovodnu i kanalizacionu mrežu na području Općine, te smo uložili u mnogobrojne projekte**, a što je zbog starosti



iste predstavljalo značaja izazov. U toku su projekti u vrijednosti **od 4.700.000 KM**, u saradnji sa KJKP „Vodovod i kanalizacija“ d.o.o., **te se sredstva ulažu u ulice** Franjevačka, Alajbegovića, Isevića sokak, Karpuzova, Adžemovića, Čadordžina, Sedrenik, Čemerlina, Hrgića, Toromanova, Kečina, Safvet – bega Bašagića, Potok, Prijepoljeva, Ulomljenica, Potoklinica, Edhem Mulabdić, Josipa Šadlera, Telali

(dionica trase koja se odnosi na trotoare na dijelu koji pripada Općini Stari Grad). Finansirali smo projekat dovođenja vodovodne mreže do entitetske linije na Borijama kako bi u narednom periodu mogli uspostaviti vodovodnu mrežu na Borijama.

Također, provedeni su tenderi za potporne zidove i klizišta u Starom Gradu.

ULAGANJE U OBRAZOVNE OBJEKTE - VIŠE OD 7 MILIONA KM

Ove godine završavamo projekte ulaganja u objekte koji služe obrazovnim institucijama, a koji su u vlasništvu Općine Stari Grad. Za tu namjenu izdvojeno je 7 miliona KM.

Okončali smo projekat **postavljanja fotonaponske elektrane na zgradi administrativnog sjedišta** Općine Stari

Grad Sarajevo, te je u toku okončanje **postupka postavljanja panela na tri objekta osnovnih škola na području Općine Stari Grad Sarajevo**, u saradnji sa UNDP – om, OŠ „Vrhbosna“, OŠ „Hamdije Kreševljakovića“ i područna OŠ na Sedreniku.



Također, u toku su projekti **na uređenju fasada na objektima OŠ „Edhem Mulabdić“, OŠ „Šeih ef. Hadžijamaković“ i JU „Srednja škola poljoprivrede, prehrane, veterine i uslužnih djelatnosti“**, vrijednost radova na ova tri objekta je oko 3 miliona KM.

Potpisan je ugovor o postavljanju fasade i stolarije na zgradu u kojoj je smješten Ekonomski fakultet u vrijednosti oko 2 miliona KM.

U toku je rekonstrukcija, u ratu uništenog vrtića Agan Bostandžić, u vrijednosti oko 2 miliona KM.

Ulaganje smo usmjerili i na uređenje i izgradnju novih igrališta, pa su tako potpisani **sporazumi sa školama i osigurana sredstva za: OŠ „Hamdije**

Kreševljakovića“ – 40.000 KM, OŠ „Saburina“ – 50.000 KM. Također, u saradnji sa Gradom Sarajevom obnovljeno je igralište u Mjesnoj zajednici Medrese, te u tu svrhu iz budžeta izdvojena sredstva u iznosu od preko 150.000 KM.

Obnovljeno je igralište na Boguševcu, Močilima, Faletićima, Darivi i brojna druga.

Prvoj bošnjačkoj gimnaziji u Sarajevu su obezbjeđena sredstva u iznosu od 25.000 KM za sufinansiranje obnove krova.



Ove programe realizujemo sa Vladom Kantona Sarajevo, Gradom Sarajevo i međunarodnim partnerima.

SARADNJA SA OPĆINSKIM VIJEĆEM I DRUGIM NIVOIMA VLASTI - OSIGURANO DESETINE MILIONA KM OD VIŠIH NIVOVA VLASTI

Protetklih godina u Starom Gradu smo imali stalne probleme na relaciji Općinsko vijeće - Općinski načelnik. U prethodnih 10 mjeseci ova saradnja je bila puna

međusobnog uvažavanja i usvajanja stotine akata. Upravo je to ključno za dalji razvoj naše lokalne zajednice.

Jasno je da uslijed nedostatka finansijskih sredstava mnoge projekte u Starom Gradu ne bi mogli finansirati bez podrške viših nivoa vlasti. Protetklih godina ta podrška je uglavnom izostajala zbog nedostatka aktivnosti načelnika i nedostatka projekata. U ovih deset mjeseci smo osigurali desetine miliona KM za projekte u Starom Gradu od drugih nivoa vlasti.

BORBA PROTIV KRIMINALA I KORUPCIJE I OSNIVANJE JKP „OPĆINE STARI GRAD“ D.O.O.

Glavni razlog haosa u Općini i vanrednih izbora je bio kriminal i korupcija zbog čega smo odmah ušli u borbu protiv toga. U cilju otklanjanja nezakonitog postupanja i realizacije preporuka Budžetske revizije kada je riječ o dodjeli parkinga, ali i rješavanje problema saobraćaja u





mirovanju na području Općine Stari Grad Sarajevo i omogućavanja svim građanima da pod jednakim uvjetima na zakonit i transparentan način zakupe parking mjesto, **osnovano je JKP „Općine Stari Grad“ d.o.o.**

Zaustavili smo bogaćenje privatnika na državnoj imovini, te smo parking mjesta na javnim površinama stavili na raspolaganje općinskom javnom preduzeću.

Nažalost, Općina nema razvijene mehanizme borbe protiv korupcije kroz digitalizaciju zbog čega smo pripremili projekte digitalizacije procesa kao antikorupcionu mjeru.

TRANSPARENTNO TROŠENJE NOVCA I VRAĆANJE MILIONSKIH DUGOVA

Naslijedio sam više od 20 miliona dugova za kredite, sudskih presuda, nalaza inspekcija, potraživanja radnika po neispoštovanim sporazumima. Umjesto kukanja i novog zaduživanja, smanjio sam dugovanja i krenuo u isplatu presuda.



Nadalje, u **cilju povećanja transparentnosti** prilikom upravljanja resursima, te raspodjeli finansijskih sredstava iz Budžeta Općine, te ispunjenju jednog od predizbornih obećanja, u prethodnom periodu **smo usvojili niz odluka i pravilnika** kojima se predviđa da se sva sredstva iz budžeta za udruženja i fondacije za realizaciju projekata **dodjeljuju putem javnog poziva**, kao i da se sva sredstva socijalno ugroženim, također, dodjeljuju putem javnog poziva, čime su **propisani jednaki uvjeti za sve, te se na**

transparentan način omogućilo ostvarivanje prava građana bez favoriziranja. U svrhu praćenja namjenskog utroška dodjeljenih sredstava po prvi put je, shodno usvojenim odlukama, formirana Komisija čiji je zadatak praćenje namjenskog utroška sredstava, koja je obavezna dalje informisati Općinsko vijeće. **Po osnovu objavljenog Javnog poziva dodjeljena su sredstva za realizaciju prijavljenih projekata, za 39 udruženja u ukupnoj vrijednosti od 231.041,37 KM** iz Budžeta Općine. Djelokurg rada pomenutih udruženja je različit, ali ono što je zajedničko svima jeste da su vezani za strateške ciljeve i populaciju Općine.



RAZVOJ PRIVREDE U STAROM GRADU

Stari Grad spada u najrazvijenije općine u državi, imamo 30% veće plate u odnosu na prosjek u ostatku države, iznadprosječan broj zaposlenih, iznadprosječno uplaćujemo porez na dohodak.

U svrhu **unapređenja konkurentnosti privrede i povećanja zaposlenosti**, kao jednog od strateških fokusa usvojene su

izmjene i dopune Odluke o dodjeli u zakup poslovnih zgrada i prostora, kojima je, između ostalog utvrđeno, **kao jedan od osnova za raskid ugovora o zakupu ukoliko se prilikom kontrole poslovnog prostora kojim raspolaže Općina zatekne radnik koji nije prijavljen**. Važan doprinos je i **započinjanje sa radom Javnog komunalnog preduzeća Stari Grad Sarajevo**, kojim se otvaraju mnogobrojna radna mjesta, kao i otvaranje Turističko-informativnog centra u srcu Bašaršije.

Također, u istu svrhu povećanja zaposlenosti i održivosti privrede, **usvojen je Pravilnik o uslovima i načinu dodjele bespovratnih finansijskih sredstava za podršku poslovanju fizičkim licima koja obavljaju trgovačku djelatnost**, te su dodjeljena sredstva putem javnog poziva u iznosu od 25.000 KM.

Pored ovoga, usvojen je i **Pravilnik o uslovima i postupku izbora i prijema lica na stručno osposobljavanje bez zasnivanja radnog odnosa u jedinstveni organ uprave Općine Stari Grad Sarajevo**, te je raspisan javni poziv kako bi svi pod jednakim uvjetima mogli na transparentan način ostvariti svoje prvo radno iskustvo. Također, raspisan je javni projekat, te su odabrani projekti koje ćemo finasirati, kroz Start – up projekat.



Također, **započete su administrativne aktivnosti na uvođenju mogućnosti zaduživanja putem obveznica**.

Cijeneći da je neophodno posvetiti pažnju svakom domaćinstvu, shodno konkretnim potrebama, u budžetu su osigurana značajna sredstva za podsticaje u poljoprivredi, pa su tako **dodjeljeni platenici po javnom pozivu za ukupno 73 korisnika**, sa dodatnom opremom. Također, u toku su pripreme za dodjele novčanih sredstava za podsticaje za: **voćarstvo, pčelarstvo, stočarstvo, povrtlarstvo, ratarstvo, gljivarstvo** u ukupnom iznosu od 100.000 KM.

MLADI I BORAČKA POPULACIJA



Nadalje, sredstva iz budžeta, su bila usmjerena na aktivnosti koje su rađene u cilju kreiranja prosperitetnog i inkluzivnog društvenog razvoja, te su u prvom redu bile usmjerene na mlade i boračku populaciju u općini Stari Grad, ali i lica u stanju socijalne potrebe, uz prethodno usvajanje normativnih akata kojima se predviđaju jednaki kriteriji za sve i transparentan način dodjele.

Tako se, prije svega, mogu **izdvojiti stipendije koje su dodjeljene učenicima i studentima i to za njih 405, a što predstavlja rekordan iznos od 615.000 KM predviđen za ovu namjenu.** Da prepoznamo značaj edukacije i obrazovanja, ali i potrebu motivacije mladih ljudi govori i činjenica da smo **dodjelili i nagrade za učenike osnovnih i srednjih škola za postignute rezultate na takmičenjima u toku prethodne školske godine, ali i nagrade za dobitnike priznanja „Univerziteta u Sarajevu za zlatne i srebrene značke“.** **Osiguran je besplatan prevoz za učenike i učenice Starog Grada.** Također, kako bismo napravili stratešku platformu za dalja ulaganja i unapređenja položaja mladih utvrdili smo **Nacrt Strategije za mlade Općine Stari Grad Sarajevo za period od 2024. do 2028. godine.**



Istaknuti se može i to da je **dodjeljena zgrada sa 7 stanova studentima i učenicima bez roditelja,** koji su smješteni u organizacijama koje pružaju skrb djeci bez roditeljskog staranja. Na ovaj način im se pruža prilika za osamostaljivanje prije pripreme za potpuno samostalni život u godinama kada to zakon predviđa. Uvažavajući osjetljivost ove populacije mladih usvojili smo i **Pravilnik za dodjelu stipendija za učenike i studente bez oba roditelja, odnosno bez roditeljskog staranja, te izdvojili sredstva u Budžetu za 2024. godinu u ovu namjenu.**

Učenicima kojima je to potrebno finansirali smo odlazak na ekskurzije i užine, svima smo osigurali školski prevoz kao i školski pribor za sve naše prvačiće, dok je Vlada Federacije Bosne i Hercegovine osigurala besplatne udžbenike za svu našu djecu.

Osigurali smo značajniju podršku Vijeću mladih Stari Grad za rad, kancelarije za mlade, te smo podržali niz omladinskih projekata kroz javne pozive.

Podržali smo niz sportskih udruženja i projekte za mlade, posebno su značajne sportske igre mladih koje su se održale, te ponovna obnova sportskih liga osnovnih škola.

Svi mladi koji su se prijavili da dobiju radno iskustvo su dobili priliku za stručno osposobljavanje u Općini Stari Grad Sarajevo.



Ulaganjem u budućnost, kroz mlade i obrazovanje, ne smijemo zaboraviti one koji su zaslužni za to što smo sada tu gdje smo, te smo izdvojili **finansijska sredstva za rad boračkih udruženja, koja su ove godine povećana za iznos od 15%.** Također, utvrdili smo **28. septembar kao Dan starogradskih brigada**, te smo izradili idejni projekat za spomen obilježje svim poginulim borcima sa područja

Općine Stari Grad Sarajevo u periodu od 1992. do 1995. godine. Također, u toku je pribavljanje saglasnosti nadležnih organa na projekat sanacije spomen obilježja poginulim na Markalama.

Posebnu pažnju smo posvetili kulturi sjećanja, prisustvovali svim manifestacijama u Starom Gradu, ali i manifestacijama bitnim za grad i državu, finansijski smo podržavali rad Memorijalnog centra Srebrenica i Memorijalnog centra Sarajevo.

POMOĆ SOCIJALNO UGROŽENIM KATEGORIJAMA

Dodjeljena su sredstva za ogrjev građanima na području Općine za ukupno 248 porodica u iznosu od 169.000 KM, a u toku je i tender za nabavku ogrjeva za dodjelu građanima za predstojeću zimu.

Na ime **jednokratnih novčanih pomoći i pomoći za liječenje dodjeljeno je ukupno 220.000 KM i u toku je obrada pristiglih zahtjeva** po javnom pozivu za dodjelu navedenih pomoći. Također, isplaćene **su pomoći za osobe oboljele od celijakije u iznosu od 12.000 KM**, kao i **pomoć za osobe koje se podvrgavaju medicinski potpomognutoj oplodnji.**



Sa Vladom Kantona Sarajevo osigurali smo sredstva za sanaciju objekata socijalno ugroženih stanovnika u Općini Stari Grad za više od 100 porodica. Putem Općine se realizuju i programi podrške jednokratne pomoći porodiljama i boračkim kategorijama.



Zajedno sa Vladom Federacije BiH i EU putem Općine dodijeljena je milionska pomoć za energetske siromašne porodice kako bi se ublažili efekti ekonomske i energetske krize.

Cilj nam je da niko nije gladan u Starom Gradu zato redovno pomažemo rad narodnih kuhinja i restorana dobre volje, kako bi oni koji su u stanju socijalne potrebe mogli imati obroke. Također, podijelili smo hiljade paketa pomoći za

socijalno ugrožene uz saradnju sa organizacijama i resornim ministarstvom uz pomoć Direkcije za robne rezerve Kantona Sarajevo.

Podržali smo projekat sa Udruženjem penzionera gdje u zajedničkoj saradnji pomažemo našim penzionerima u sufinansiranju troškova za lijekove.

PREVENTIVNA DJELOVANJA

U cilju sprečavanja opasnosti po život i zdravlje stanovnika Općine Stari Grad Sarajevo, ali i okolne objekte, u prethodnom periodu **smo uklonili ukupno 14 ruševnih objekata**, koji su predstavljali opasnost. Također, izvršene su aktivnosti **na čišćenju Čolinog potoka**, koje su obuhvatale uklanjanje otpada, šiblja, te mulja iz korita, s ciljem normalnog protoka vode i smanjenja rizika od poplava.



ENERGETSKA EFIKASNOST I ZAŠTITA OKOLIŠA

U budžetu su osigurana sredstva i u saradnji sa Gradom Sarajevom, **radi se na obnovi fasada u ulici Zelenih beretki**.

Nabavili smo dva reciklomata, koja će biti data na upravljanje JKP „Rad“ d.o.o. Sarajevo, te smo **obnovili i dodali nove kante za smeće** u užoj gradskoj jezgri, te zamijenili oštećene klupe.

Sa Vladom Kantona Sarajevo organizovali smo proljetnu akciju čišćenja, gdje smo prikupili tone otpada koje ukazuju na neodgovorno ponašanje građana koji stvaraju divlje deponije.

Općina Stari Grad Sarajevo nije nadležna za odvoz otpada i održavanje čistoće, ali putem naše putarske službe i JKP OSG trudili smo se pomagati nadležnim organima u čišćenju Starog Grada.

Nismo zadovoljni stanjem čistoće, ali nažalost ne možemo mnogo više uraditi jer nemamo novac i nadležnosti za obavljanje tih poslova.

ZAPOČETI PROJEKTI



Projekat uspostavljanja „Galerije Berber“ započeo je rekonstrukcijom dva poslovna objekta u ulici Zelenih beretki. U ovoj fazi izvršen je **odabir izvođača radova koji je započeo predmetne radove**. Veoma nas raduje činjenica da će Stari Grad dobiti jednu ovakvu galeriju.

Izrađen je idejni projekat za vanjsko uređenje kasarne Mustafa Hajrulahović Talijan, te je u toku pribavljanje potrebnih saglasnosti i priprema tenderske dokumentacije za odabir izvođača.

Pribavljene su potrebne saglasnosti za sanaciju fasade na objektu Doma Oružanih snaga Bosne i Hercegovine, te je u toku priprema tenderske dokumentacije za odabir izvođača za sanaciju fasade i vanjskih otvora na objektu Doma Oružanih snaga Bosne i Hercegovine.

Izrađen je idejni projekat, te je u toku pribavljanje potrebnih saglasnosti i administrativnih odobrenja za izgradnju prvog zipline-a na području Starog Grada. Izrađen je idejni projekat, te je u toku pribavljanje potrebnih saglasnosti i administrativnih odobrenja za izgradnju sportskog terena i uređenje streljišta na lokalitetu Pašino brdo.



Izrađen idejni projekat i u toku je pribavljanje saglasnosti i administrativnih odobrenja za rekonstrukciju kule Bistrik.

Započeli smo sa uređenjem lokaliteta Dariva, gdje će se nakon pribavljenih odobrenja raditi na proširenju igrališta za potrebe uspostavljanja teretane na otvorenom i postavljanje toaleta.

Izrađen je idejni projekat bazena na Bentbaši i dostavljen je na mišljenje Komisiji za nacionalne spomenike BiH. Međutim, iz razloga što Komisija već 8 mjeseci nije dostavila traženo mišljenje, projekat rekonstrukcije se dalje ne može nastaviti.



ULAGANJE U STRUKTURE CIVILNE ZAŠTITE

Organizovana je pokazna vježba s ciljem pripremanja, vježbanja i preventivnog djelovanja Službe civilne zaštite i Službi zaštite i spašavanja Općine Stari Grad Sarajevo, te smo započeli postupke nabavki opreme (vatrogasne opreme, medicinske opreme, kvadova i sl.), kako bismo spremno dočekali eventualne

nepogode, prirodne nesreće, kao i sve druge nepredviđene situacije.

Pojačali smo finansijsku i materijalnu podršku DVD Vratnik, te smo uključili GSS Trebević u službe spašavanja kao JKP OSG. Na taj način unaprijedili smo i povećali ulaganja u civilnu zaštitu stanovništva.

SARADNJA SA VJERSKIM ZAJEDNICAMA

Podržavali smo rad vjerskih zajednica kako kroz podršku obilježavanja važnih vjerskih praznika, tako i ulaganjem u obnovu vjerskih objekata sa posebnim akcentom na nacionalne spomenike i važne kulturno historijske spomenike.

SADRŽAJI KOJI UNAPREĐUJU TURISTIČKU PONUDU

Turizam i ugostiteljstvo su ključna grana privrede u Starom Gradu, te smo ove godine oborili sve rekorde posjećenosti. Moja administracija je opredijeljena za podršku promociji turizma, otvorili smo Turistički info centar u srcu Baščaršije, te smo organizovali i podržali niz manifestacija.

Ulagali smo u komunalnu i saobraćajnu infrastrukturu, započeli velike milionske projekte, uz puno uvažavanje potreba pojedinaca kada je riječ o socijalnim davanjima, kao i potrebama mladih i boračkih populacija, uz ulaganja u odgojno obrazovne programe, ali nismo zaboravili učiniti Stari Grad središtem okupljanja mladih uz muziku i kulturno umjetničke programe. Tim povodom su održani brojni koncerti i dešavanja, koja su dodatno privukla turiste, a time i direktno pomogli privrednicima na području Starog Grada, i to:



- **Koncert Dženana Lončarevića na Trgu Prve brigade policije;**
- **Nastup Mahir Beathouse u ulici Zelene beretke;**
- **Izložba „Sarajevska baština“ u Brusa bezistanu;**
- **Izložba „Pošetak kraja“ akademskog slikara Zekerijaha Nalića;**



- **Izložba rukotvorina u Gazi Husrev – begovom hanikahu;**
- **Koncerti kulturno-umjetničkih društava na Baščaršijskom trgu;**
- **Dramska predstava „Leptir“ u Domu kulture „Vratnik“;**
- **Izložba oldtimera na Trgu Prve brigade policije;**
- **Gastro događaj „Okusi Starog Grada“ ispred Katedrale;**
- **„5. Sarajevo marathon“;**
- **Porodični dan u parku Dariva;**
- **Koncert Puškar Nermina u okviru Baščaršijskih noći u ulici Zelenih beretki;**
- **Koncert klasične muzike na At mejdanu u okviru Baščaršijskih noći;**
- **Koncert grupe Zoster u okviru Baščaršijskih noći u ulici Zelenih beretki;**
- **Koncert Amire Medunjanin u okviru Baščaršijskih noći na Trgu Prve brigade policije;**
- **Muzički festival na Trgu oslobođenja**
- **Izložba Muzej Prado u Sarajevu**
- **Maraton i polumaraton**
- **Austrijski bal**

- **Sarajevo film festival**
- **Red bull showrun**
- **Matinee**

i mnoge druge manifestacije.

Uz sva obećanja koja smo dali u toku predizborne kampanje, ipak smo akcenat stavili na zahtjeve Vas građana, koje smo dobijali svakodnevno, ali i prilikom održavanja zborova građana, koje smo održali prilikom obilaska svih mjesnih zajednica.

MEĐUNARODNA SARADNJA



Mnogovremenasamposvetioostvarivanju kontakata i međunarodne saradnje što je omogućilo realizaciju mnogih projekata. U aktivnostima i saradnji sa općinom smo imali kontakte sa predstavnicima iz više od 30 država svijeta.

JAČANJE ULOGE MJESNIH ZAJEDNICA

Mjesnim zajednicama sam dao veći značaj posebno njihovim prijedlozima prilikom izrade programa investicija. Obišao sam sve mjesene zajednice i razgovarao sa građanima i građankama iskreno o dinamici realizacije projekata bez da sam davao lažna obećanja.

Transparentnost, odgovornost i novi odnos prema ljudima su i dalje u mom radu važni prioriteti, kojim ćemo uz **hrabrost, kontinuitet i strateške projekte** raditi na razvoju i prosperitetu naše zajednice.